

## Барча ишларимиз туб замирида халқимизни рози қилиш мақсади мужассам



Ўзбекистон Республикаси Президенти Шавкат Мирзиёев 1 июнь куни Тошкент шаҳрида амалга оширилаётган бунёдкорлик ишлари ва йирик лойиҳалар билан танишди.

Давлатимиз раҳбарининг ғояси ва ташабbusи билан пойтахтимизда улкан бунёдкорлик ишлари, иқтисодиётнинг етакчи тармоқларида стратегик аҳамиятга эга йирик лойиҳалар муваффақиятли амалга оширилаётгани аҳолининг ҳаёт даражаси ва сифатини юксалтириш, Тошкентни замонавий мегаполисга айлантиришда муҳим аҳамият касб этмоқда.

Пойтахтимиз туманларига бу галги ташриф давомида ҳам асосий эътибор ана шу йўлдаги долзарб режа ва лойиҳалар ижросига қаратилди.

Президентимиз дастлаб "Тошкент-Шарқий" аэродроми базасида барпо этилаётган ишбилармонлик аэропорти қурилиш участкасига ташриф буюрди.

Давлатимиз раҳбари 2017 йил 2 декабрь куни мазкур лойиҳа билан танишиб, бизнес-авиацияни ташкил этиш ва бундай турдаги барча хизматларни кўрсатишга қодир замонавий инфратузилмани барпо этиш борасида кўрсатмалар берган эди.

Ишбилармонлик аэропорти Марказий Осиё минтақасида мутлақо янги тизим бўлиб, якка тартиbdаги ва корпоратив парвозларга ихтисослашади. Лойиҳа мамлакатимиз транспорт ва транзит имкониятларини янада оширишда муҳим ўрин тутади. Айни пайтда олий даражадаги меҳмонлар, хорижий делегациялар, ишбилармонлар, сайёҳларга сифатли хизмат кўрсатади.

Ҳозирги вақтда эски учиш-қўниш йўлаги ўрнига 4 километрлик замонавий йўлак қурилмоқда. Соатига 250 йўловчини ўтказиш имкониятига эга терминал барпо этиш, кейинги босқичда қўшимча инфратузилма обьектлари, меҳмонхона мажмуаси қуриш режалаштирилган.

Шу кунга қадар бу ерда қарийб 20 минг куб метр тупроқ ишлари бажарилди. Қурилиш-монтаж ишларига 100 дан ортиқ маҳсус техника жалб этилган.

Аэродром ҳудудида бир вақтнинг ўзида 20 та самолётга хизмат қўрсатадиган перрон қурилади. Шунингдек, қўриқлаш, алоқа ва хавфсизлик пунктлари бунёд этилиши қўзда тутилмоқда. Лойиҳа доирасида ҳаво лайнерларига техник хизмат қўрсатиш маркази,

самолёт ва вертолётларни сақлаш учун замонавий ангар, ёнгин хавфсизлиги депоси курилади. Шу билан бирга, диспетчерлик маркази ва йўловчилар учун овқатланиш биноси барпо этилади.

Лойиҳанинг биринчи босқичи 2020 йилда якунланиши белгиланган.

– Бизнес-аэропортда хорижий ишбилармонларга ҳар томонлама маъқул бўладиган хизматларни йўлга қўйиш учун лойиҳаси мукаммал бўлиши керак. Самолётдан тушган одам халқимизнинг нечоғли бағрикенг ва меҳмондўст эканини ҳис этиши керак. Шу боис замонавий лойиҳа институти ташкил этиб, Япония, Германия каби мамлакатлардан малакали мутахассисларни ишга жалб этиш лозим. Ана шундай қиссанак, бу аэропорт халқимизга, фарзандларимизга кўп йиллар хизмат қиласади, – деди Шавкат Мирзиёев.

Президентимиз пойтахтимизнинг Махтумқули ва Оҳангарон кўчалари кесиши масида барпо этилаётган уч қаватли замонавий кўприк лойиҳасини кўздан кечирди.

Энг гавжум чорраҳалардан бири бўлган мазкур ҳудудда уч қаватли янги кўприк қурилиши тирбандликни камайтириб, ҳайдовчи ва йўловчилар хавфсизлигини таъминлайди.

Кўприкнинг Паркент кўчасидан Оҳангарон шоссесига ўтувчи қисмида узунлиги 500 метрдан зиёд тунель қурилади. Иккинчи босқичда Қорасув даҳасидан Махтумқули кўчасига чиқувчи йўлнинг мазкур тунель устидан ўтган қисмида айланма кўприк бунёд этилади. Иккала кўприк устидан ўтувчи учинчи қават Махтумқули ва Темур Малик кўчаларини туташтиради. Шунингдек, Тошкент механика заводида таъмирланган самолётларни ишбилармонлик аэропортига олиб бориши учун йўл ўтказгич барпо этиш режалаштирилган.

Таъкидлаш жоизки, шу чоққача юртимизда уч қават кўприк қурилмаган эди. Эндиликда Ўзбекистон эстакада бунёд этиш тажрибасини ҳам ўзлаштиримоқда.

Курилиш ишларини 2019 йил август ойида тўлиқ якунлаш режалаштирилмоқда.

– Бу кўприк келгусида Тошкент шаҳрининг ўзига хос ташриф қофози бўлади, – деди Президентимиз. – Ўзбекистон учун янгилик бўлган ушбу маҳобатли иншоот Чорвоқ ва Чимён ҳудудини ривожлантиришга замин яратади. Кўприк қурилиши жараёнида автомобиллар ҳаракати тўхтатилмайди.

Янги транспорт боғламаси Тошкент шаҳридан Чорвоқ ҳудудига борувчи йўлни 22 километрга қисқартиримоқда. Айни пайтда пойтахт аҳолиси ва хорижлик сайёҳларнинг Чорвоқ ҳамда Чимён ҳудудига тез ва осон этиб олиши учун Чирчиқ дарёси устидан кўприк бунёд этилмоқда.

Шавкат Мирзиёев янги кўприкни замонавий технологиялар асосида сифатли бунёд этиш,

коммуникация тармоқларини жойлаштириш юзасидан зарур кўрсатмалар берди.

– Асосийси, ёз жазирамасида бу ерда қурилиш ишлари транспорт қатновига нокулайлик туғдирмаслиги зарур. Буни ҳозирдан ўйлаб пухта ечим топиш, қурилишни 3 сменада ташкил этиш лозим, – деди Президентимиз.

Шу ерда давлатимиз раҳбарига Тошкент ерусти ҳалқа метро линиясини қуриш бўйича амалга оширилаётган ишлар тўғрисида маълумот берилди.

Давлатимиз раҳбари Чилонзор туманининг Афросиёб ва Бешёғоч кўчалари кесишувидаги худудда барпо этилаётган кўп тармоқли "Хумо Арена" муз саройи қурилишини кўздан кечирди.

Ушбу мажмуа дизайнида замонавий қурилиш ечимлари ва илғор технологиялар миллий маданият элементлари билан уйғунлашиб кетган. Мажмуа кўкда парвоз этаётган баҳт ва ҳурлик рамзи – Хумо қуши шаклида барпо этилмоқда.

Шавкат Мирзиёев 2017 йил 3 февраль куни "Хумо Арена" лойиҳаси билан танишиб, бу каби замонавий спорт иншоотларининг баркамол авлод тарбиясидаги аҳамиятига алоҳида эътибор қаратган, мутасадди раҳбарларга қурилишни юқори сифат билан амалга ошириш бўйича зарур кўрсатмалар берган эди.

Иншоот икки қисмдан иборат бўлиб, унда асосий ва машқ муз ареналари жой олади. Умумий майдони 82 минг 250 квадрат метрдан иборат 6 қаватли иншоотнинг энг баланд нуқтаси 40 метрни ташкил этади.

МобиЛЬ ўриндиқлар билан жиҳозланадиган саройда хоккей ўйинларини 12 минг 500, бошқа спорт мусобақаларини 14 минг, турли концерт ва дам олиш дастурларини 10 минг томошабин кузатиш имконига эга бўлади. Дам олиш маскани ва ижтимоий марказ сифатида барпо этилаётган муз саройида турли тадбирларни ўtkазиш мумкин бўлади. Хусусан, аренада ҳалқаро хоккей ўйинлари, кёрлинг, фигурали учиш, шорт-трек бўйича мусобақалар, баскетбол, волейбол, гандбол, футзал, бокс, таэквондо, қиличбозлик баҳсларини ўtkазиш имконияти яратилади. Бундан ташқари, мажмууда умумхалқ байрамлари, концертлар, кўргазма ва форумлар ташкил этиш мумкин.

Мажмууда муҳандислик тармоқлари, ёнғинни ўчириш, совутиш тизимлари, ёритиш, вентиляция, иссиқлик манбаи тўлиқ автоматлаштирилган ҳолда, тежамкор технологиялар қўлланилади. Унинг ёнида 1 минг 375 автомобилга мўлжалланган 5 қаватли автотурагоҳ қурилмоқда.

Президентимиз ушбу мажмууда шуғулланадиган хоккей, фигурали учиш ва бошқа спорт турлари бўйича жамоаларни ҳозирдан шакллантириш, бу ерда йирик ҳалқаро

мусобақаларни ташкиллаштириш масаласини ўрганиб чиқиши лозимлигини таъкидлади.

Мазкур мажмуани йил охирига қадар фойдаланишга топшириш режалаштирилган.

Бугунги кунда Тошкент шаҳри маркази улкан қурилиш майдонига айланган. 80 гектар худудда барпо этилаётган "Toshkent City" ҳалқаро ишбилармонлик марказига нафакат юртимиз тадбиркорлари, балки хорижлик инвесторлар ҳам қизиқиш билдиримоқда.

Президентимизнинг мазкур худудга ташрифи ва қурилиш ишлари билан танишуви чоғида бу ҳақда алоҳида сўз юритилди.

Ҳозирги кунда мазкур замонавий марказ худуди 7 қисмга бўлиниб, қурилиш ишлари олиб борилмоқда. Айни пайтгача 42 минг куб метр тупроқ ишлари бажарилган, "Конгресс холл" ва беш юлдузли меҳмонхонанинг еости монолит қопламаларини мустаҳкамлаш якунланган.

Давлатимиз раҳбари "Toshkent City" қурилиш жараёнини кўздан кечирди. Қурувчи-муҳандислар, хорижлик мутахассислар билан суҳбатлашди.

Бугунга қадар "Toshkent City" маъмурияти томонидан Буюк Британия, Германия, Италия, Жанубий Корея компаниялари билан замонавий туар жойлар, офис ва савдо мажмуалари, таълим муассасалари, 2 та 20 қаватли савдо-кўнгилочар марказ, 40 қаватли мультифункционал бино ва иншоотлар қурилишига инвестиция киритиш бўйича лойиҳалар имзоланди.

Президентимиз меҳмонхона ва "Конгресс-холл"нинг ички дизайни, кириш қисмлари ҳамда нуфузли ҳалқаро анжуманларни ўтказишига мўлжалланган заллар интеръерлари лойиҳаси билан танишиб, уларни миллий услугуда безаш ва жиҳозлаш юзасидан зарур тавсиялар берди.

Пойтахтимизда йўл харакати хавфсизлигини таъминлаш, тирбандликнинг олдини олиш мақсадида кўплаб кўприк ва йўл ўтказгичлар бунёд этилмоқда. Чилонзор туманидаги Бунёдкор ва Чўпонота кўчалари кесишимасида қурилаётган замонавий йўл ўтказгич шулардан биридир.

Янги кўприкнинг умумий узунлиги 676 метр, шундан эстакада қисми 488,5 метр бўлиб, баландлиги 8 метр, кенглиги 24,5 метрга teng. Транспортлар 6 қаторда ҳаракатланади. Шунингдек, 124 метрлик иккита пиёдалар ўтиш кўприги ҳам қурилаяпти. Ногирон ва кексаларга қулайлик яратиш мақсадида уларда маҳсус лифт, эскалатор ўрнатиш кўзда тутилган.

Давлатимиз раҳбари бу ерда олиб борилаётган бунёдкорлик ишлари билан танишди,

курувчилар билан мулоқот қилди.

– Янги кўприклар сифатли, жуда пухта бўлиши керак. Бунинг учун ўз ишимизга фидойилик билан ёндашиб, кўприкозлик бўйича илғор хориж тажрибасини ўрганиб боришимиш зарур,  
– деди Президентимиз.

Янги иншоотни лойиҳалаштиришда ёритиш тизимига ҳам алоҳида эътибор қаратилган. Унга кўра, кўприкка жаҳон стандартларига тўла жавоб берадиган энергия тежамкор жиҳозлар ўрнатилади. Қурилишда Германиядан келтирилган замонавий техникадан фойдаланилаётгани иш унумдорлигини оширмоқда. Бугунги кунгача 256 та тўсиндан 234 таси ўрнатилган, 276 та призматик қозиқнинг барчаси қоқилган, шунингдек, пиёдалар ўтиш йўлагидаги таянч устунлар тўлиқ ўрнатилган.

Шу ерда янги кўприклар қуриш, мавжудларини таъмирлаш ва эксплуатация қилиш борасидаги ишлар тақдимоти ўтказилди. Тошкент шаҳрида яна ўн бешта жойда йўл ўтказгичлар қурилиши маълум қилинди.

Давлатимиз раҳбари кўприкларни сақлаш, таъмирлаш ва эксплуатация қилиш масаласи ҳам ғоят долзарб эканини қайд этди. Соҳа учун маҳсус мутахассислар тайёрлашга ихтисослашган коллежлар ташкил этиш бўйича топшириклар берди.

Юртимизда ахолининг турмуш фаровонлигини ошириш, одамларимиз учун замонавий шартшароит яратишга алоҳида эътибор қаратилмоқда. Бу борада бир қатор меъёрий-хуқуқий хужжатлар қабул қилинди, "Обод қишлоқ" дастури амалга оширилмоқда. Энди шаҳарлар учун "Обод маҳалла" дастури ишлаб чиқилмоқда.

Чилонзор туманидаги Хирмонтепа маҳалласи тажриба тарикасида ушбу концепция асосида обод қилинмоқда. Ҳудудда жойлашган 24 та кўп қаватли уй таъмирланди. Маҳалла идораси ходимлари, профилактика инспекторлари учун бино, коммунал тўловлар шоҳобчаси, болалар ва спорт майдончалари барпо этилмоқда.

Президентимиз шу ерда маҳалла фаоллари, кўп қаватли уйларда яшовчи аҳоли ва болалар билан сұхбатлашди, уларнинг ўй-ташвишлари билан қизиқди.

– Ҳар бир маҳаллани Жиззахдаги Манастига ўхшатиб обод қилишимиз керак. Барча ишларимиз туб замирида халқимизни рози қилиш мақсади мужассам. Бунинг учун барча имкониятларни ишга соламиз, – деди давлатимиз раҳбари.

Шавкат Мирзиёев Чилонзор туманидаги Тирсакобод маҳалласида ҳам бўлиб, бу ерда амалга оширилаётган ободонлаштириш ишлари билан танишди.

"Тирсакобод" маҳалла фуқаролар йигини ҳудудида 9 кўп қаватли уй ва 864 ҳовли мавжуд.

Бу ерда яшаётган 5 минг 200 дан ортиқ аҳоли орасида турли миллат вакиллари бор.

Маҳаллада Президентимизнинг 2017 йил 3 февралдаги "Маҳалла институтини янада такомиллаштириш чора-тадбирлари тўғрисида"ги фармони асосида ободонлаштириш ишлари амалга оширилмоқда.

"Sherobod building" масъулияти чекланган жамияти билан ҳамкорликда маҳалла марказида чойхона, новвойхона, гўзаллик салони, дўконлар, спорт ва болалар майдончаларининг замонавий қиёфада қад ростлаши маҳалла ахли ва унга ёндош ҳудуд аҳолиси учун айни муддао бўлмоқда.

Бу ерда "Обод маҳалла" лойиҳаси асосида маҳалла раиси, котиби, маслаҳатчилар, профилактика инспектори, нуронийлар учун хоналар, кутубхона, мажлислар зали, болалар майдончаси, ёшлар учун спорт иншоотлари, фавворалар қурилиши, ўриндиқлар, соябонлар, тунги ёритгич мосламалари ўрнатиш каби ишлар жадал кетмоқда.

Давлатимиз раҳбари маҳалла фаоллари билан мулоқотда бўлди.

Пойтахтимиз ва мамлакатимизнинг барча ҳудудларида замонавий маҳалла марказлари бунёд этиш, аҳоли билан доимий мулоқот қилиш, унинг фаровонлиги ва тинчлигини таъминлаш бўйича мутасаддиларга кўрсатмалар берди.

Шу куни Президент Шавкат Мирзиёев раислигида Тошкент шахри ва туманлари ҳокимлари, мутасадди раҳбарлар иштирокида йигилиш ўтказилди.

Танқидий-таҳлилий рухда ўтган йигилишда пойтахтимизда саноат ва кичик бизнесни ривожлантириш, аҳоли бандлигини ошириш, муҳандислик коммуникация тармоқларини яхшилаш бўйича долзарб чора-тадбирлар белгилаб берилди.

[ЎзА](#)